

Q. D. B. V. 9.

MEDIATOR.

PRAESIDE

DNO. PHILIPPO MÜLLERO,

SS. THEOL. D. EIVSDEM AC ELOQVENTIÆ
ET POES. PROFES. PVBL.

PVBLICÆ DISQVISIONI
IN ACADEMIA JENENSI

ad diem Mart. 1678.

in Acroaterio Philosophorum

PROPOSITVS

ab

ERNESTO FRIDERICO *Meurnern/*

TENSTAD. THURING.

AVT. & RESP.

JENÆ,

Typis BAVHOFERIANIS.

MDCCCLXXV
MEDIA TOR

PRÆSIDERE

DNO. PHILIPPO MÜLLERO

SS. THEOL. D. EIVSDEM AC ELOQUENTIE

ET BOSS. PROFES. PUBL.

PUBLICÆ DISCVSSIONI

IN ACADEMIÆ JENENSIS

et hinc inde

in Aulæ Philologorum

PROPOSITVS

et

FRANSTO KRIDRICO SMITH

TESTAD. THURING.

ANNO 1875

1875

Typ. BAVHOFERIANIS.



CAPUT I.

MEDIATOREM DENOMINAT
ET PROPONIT.

§. I



agnæ Combinationis in naturâ
beneficium meritò trahere dicitur con-
servationem omnium, rem enim quamli-
bet unionis vinculo conservari ejusque
ope in naturali suo degere statu, nemo
non faciliè asseret. Tota rerum univer-
sitas complexu variorum corporum mi-
rè amicabili perstat; eoque violato, fit, quod Poëta *Meta-*
morph. lib. 1. F. 1. v. 15. exprimit, chaos:

Qua fuit tellus, illic & pontus & aer.

Sic erat instabilis tellus, innabilis unda,

Lucis egens aer, nulli sua forma manebat,

Obstabatque aliis aliud: quia corpore in uno

Frigida pugnabant calidis, humonia siccis,

Mollia cum duris, sine pondere habentia pondus.

Institus is à natura naturante appetitus est, & ordinata discre-
tio summa coalescendi vis ac gratia. Quod ut in naturali-
bus corporibus ita procedere; sic quoque in societatibus hu-
manis, quippe quæ certi generis sunt uniones, fieri assolet;
& hinc, *Sæcedrà Symbol. 51.* asserente, Regnum, quod è socie-
tatibus constituitur, ac nil aliud est, quàm multarum civitatum
populorumque unio, decachordo comparatur. Intelligentia præ-
sides, imperant plures digui, parci vero nervorum multitudo, quasi
popu-

populus quidam, qui attemperati sunt omnes inter se & concordēs in harmonia, non particulari & privatā, sed communi & publicā, ita ut majores à minoribus minime dissonent. Conventus seu unio si hæc evertatur, totum Imperium evertitur.

§. 2. Quo optabilius est & naturæ rupturas suorum fortium hiantes protenus & apte jungendi studium, & probatior rationi humanæ cura inter sui similes & secum eam integritatem partium & voluntatum restituendi. Divina in eam unionis operam imperia nota sunt. Nec igitur segniter elaboratum à prudentibus bonisve quibuslibet. Cum verò hæc rectius restitui non possint, quàm certo & probabili Medio, ideò *Mediatorum* usus non sine Deo invaluit. Nos igitur, accedente orbis Christiani corruptissimo statu taliqve medio salutis indigente, de eo quædam trademus. Ac prius quidem *Mediatoris* natura; Inde ipsarum *Partium* erga *Mediatorem* officium proponendum & explicandum veniet. Hoc utrumqve ego, pro ætatis & ingenii infirmi modulo, ad unum liberalis exercitii argumentum; ne quis, ultra crepidam me judicare, indignetur; divinâ *Unici Mediatoris* ope, sum ostensurus.

§. 3. Ex ordine autem thematis simplicis, ac rei necessitate. Nominis ipsius explicationem prius attendemus. *Mediator* ergo verbale, & à *mediare* est, ut ab amare amator, *Voss. l. 3. de vit. serm. c. 18.* *Medius* verò unde oriatur de hoc dissentiant inter se auctores: quidam à Græco μέσος, cum Scaligero, id deducunt. Vossius à μεσίδι per Syncopen; alii à modo, i. e. mensura volunt, unde *medius*; huic adstipulatur & sententiæ, quod sit ab Hebraico מֵסֵב sive מֵסֵב i. e. metrum, quia metiendo medium possit inveniri, vid. *Voss. Etymolog.* A medio est *mediare*, unde verbale, *Mediator*, ac plura id genus analogiâ aperta. Quantvis verbuni illud barbarum dicatur *Vossio d. l.* & ante ipsum *Calvino Lex. Jurid. h. v.* Eoque negat Vossius utendum eo esse extra sacrum argumentum; cum opus non sit. Sed barbaries ea non vitia in usu

usu vocis sita est, analogia planè est latina, usus ipse tam antiquis autoribus Tertulliano, Prudentio, Ambrosio, Augustino & aliis probatus & hactenus in civili quoque negotio prævalens, facillè liberatur à nota barbariei improbationis, qualis est vorum planè exoticarum: ut ut enim novum & barbarum fuerit, novitatem tamen & barbariem perdidit, *Voss. de talibus Inst. Rhet. l. 4. c. 5 s. s.* Licet vicissim cum eodem *Voss. d. l. s. 3.* minus eorum diligentiam probemus, qui in sacrarum literarum translatione, ut præter ceteros puritati studuisse videantur, viris equisque fugiunt voces Ecclesiæ usurpatis: simul & idiotissimos lingue sanctæ à versionibus suis quasi fircillis arcent; ob quod Castalione latinisini præpostere studiosum *Beza Pref. in N. T.* acriter impugnatur.

§. 4. Mediū porrò non una est significatio, percensente *Beckmanno in Orig. L. L. Medium 1.* dicitur, quod inter extrema consistit; sic *Medulla*, quia in medio ossis; *mensa*, quasi *mesa*, quia in medio poneretur, apud *Varr. & Plutarch. Symp. 8. q. 61. mescuterium, μεσκτηριον* Medicis ita nominatur, quod sit in medio intestinorum collocatum, hinc *dimidium*, *dimidiatum*, quasi *dimediatum*, & inter partes duas pares divisum, *Agell. l. 3. c. 14. Meridies, olim mediudies.* In sacris *Athor. 26. 13. μεσημερια. Cic. ad Brut. ita: ipsum meridiem, cur non medidiem?* sic *meridies* noctis pro medio noctis. *Mediastinus* formatur ut *clandestinus*, *matutinus* à *medius*, *h. e.* qui in medio versatur & obvia quæque expedit. Porrò cum sanitas sit in modo, hinc & *medius* & *medicina*, habet proportionem virtus cum sanitate, nam illa est animi; sanitas corporis quædam mediocritas. Iaque sapientia & virtus in medio una est, extrema verò argitudines & vitia multa. Ab illo medio, sive mediocritate abscedunt corpora & in morbos cadunt. Ad id medium mediocritatemq; ars ea, quæ corpora reducit, inde nomen adepta est sibi, ut à modo ac medio *medicina* diceretur. A *modus* item *modestia*, *i. e.* nil aliud quam virtus,

si loquaris propriè, Virtus & *μεσότης* apud *Arist.* *Plautus* conjungit virtutis *modum*, *Mosh. a. 1. Sc. 2.* Quem quatenus tenere, aut in extremum alterum propendere rectè possis, vid. *Ethici*, ex iis *Maimon. Canon. 2.* ad eum *Gentius*.

§. 5. Hinc & *mediare*, à quo *mediator*, ut à servatum servator, idem ac intermedium esse, vel termino quasi communi duo extrema conjungere. *Medius* quoque pro *mediocri* ponitur. *Vellejus lib. 2. c. 29.* de Pompejo: *Imocentia eximius, sanctitate præcipuus, eloquentia medius*. Item *Liv. lib. 9.* *medio* responso pro dubio seu *incipi* dixit. *Medii* etiam dicuntur *neutri*, qui inter lites certantium partium *neutrales*, quod cum neutra parte faciant. Sed *medius* substantivè acceptum ac idem cum *Mediator* plus importat. Nam *Mediator*, ex usu tam *Ecclesiastico* quam *vulgari*, potissimum *Pacificatorem* notat, sive eum qui dissidentes animis reduxit in concordiam: Sive, ut *Flacius Cl. h. v.* optimè: qui inter duos parum in se congruentes, aut etiam invicem sibi hostes *medius*, & utriusque nomine cum altero agit, promovens aliquam conciliationem, conjunctionem, ac veluti contractum inter eos, quique tam diu apud utramque partem alterius nomine laborat, donec eos in aliquem consensum, transactionem & denique pacationem deducat.

§. 6. A quo perperam abijt *Ravanellus Biblioth. h. v.* qui generatim intervenient inter plures, quasi è *Gal. 3. 20.* definit, ac modo solius *Internuncii* modo officio confirmantis in unione includit; prius *Mosis*, posteriori *Christi*, respectu Angelorum electorum quos confirmet in unione cum Deo, probare conatos; & cum *Socinianis* cornu inflans. *Socinus* enim de *C. Servatore P. 1. c. 7.* contra *Covetum* ringitur, *Mediatoris* vocem in genere nil nisi *Internuncium* inter plures dicere. ac ad *Bezam* in *d. l. Gal. 3. 20.* provocat. Objectum verò sibi usum loquendi erroris accusat. Cum vicissim *Grotius de Satisfact. l. c. 8. f. 6. Biblioth. Photin. 4.* inter *Crell. Oper. Polem. T. IV. p. m. 24.* obverteret: non apud ineruditos tantum sed & apud eos qui elegan-

eius loquuntur, μεσότης dicitur qui placat aliquem. Unde Sui-
 das eam vocem εμεσότης voce interpretatus sit. Contra Crell-
 ius hyperaspistes : concedi posse totum, sed negari de usu vocis
 in Sacris. Contra dicta: vulgari ait, atque imperito loquendi usu fa-
 ctum est, ut is, qui pacem inter duos quovomodo conciliet, mediator
 appelletur. Atque fieri potest ut, quod imperito loquendi usu
 receptum fuit, postea usurparetur etiam ab eruditis, qui populo,
 quem penes arbitrium est & loquendi norma, in vocibus solent gra-
 tificari, aut ipsi eruditi in vocis huius, quæ Sacr. literarum, ut Eras-
 mus ad Galat. 3. annotavit, fere propria est, errarem, eaque signi-
 ficatio, quam in sacris literis ea vox habere credebatur, postmodum
 pro genuina propriaque reciperetur. Num cum ea vox in sacro codice
 de Christo prope solo enuntietur aperte, nec desint viri docti, qui
 negare audeant, Moysi eam appellationem tribui; Christus autem, qui
 nos cum Deo reconciliasse in sacris literis dicitur, ad Deum nobis pla-
 candum inter nos & illum veluti medius intervenisse creditus fuerit;
 facile potuit contingere, ut hæc propria illius vocis, etiam ab erudi-
 tis crederetur esse significatio, atque à Scriptoribus Christianis (hos
 enim Grotium intelligere arbitror) qui elegantius loquuntur, in eum
 sensum usurparetur, sed, ut diximus, in eo non multum est suum, mo-
 do de usu sacrarum literarum constet. Quis autem ille sit, à Socino
 luculenter satis est ostensum, Hæc ille.

§. 7. Verum, ut ad hæc paucis respondeatur, Grotii
 argumentum erat tale : Quodcumque verbum non tantum ap-
 pud vulgus, sed & apud eos, qui elegantius loquuntur,
 eum significat, qui placat aliquem, illud etiã absolute in præsen-
 ti materia de Mediatore Christo, ita accipi præsumitur. Hanc
 propositionem negat Crellius, primò quia usus loquendi iste
 sic vulgaris & imperitus, secundò, eruditi soleant gratificari po-
 pulo; tertio, alium esse vocis usum in Scriptura; quarto, errasse eru-
 ditos, sensu vocis Scripturario pro genuino & communi usurpato.
 Verum (1) major hæc, donecurgens necessitas obftet, meritò
 valet, idque per ipsum Crellium, cui norma loquendi & arbi-

trium in usu populari dicitur consistere: quem tamen impericè & superbe vocat imperium usum, ac eruditos temerè gratificatos, imò errasse, contendit ac, ut apparet, uni *Analogie* vocis, cum medium duo extrema *utrunq;* distincta intercedere dicitur, adhæret. Cui verò dictum sit, quod *Qvintil. lib. 1. cap. 6.* ineptis *Analogistis*, contra usum nitentibus obvertit: Non cum primum fingerentur homines, analogia demissa cælo formam loquendi dedit, sed inventa est, postquam loquebantur & notatum in sermone, quid, quomodo caderet: itaque non ratione nititur, sed exemplo, neq; lex est loquendi, sed observatio, & ipsam analogiam nulla res alia fecerit, quàm: consuetudo. Porro fine cap. sit consuetudo sermonis consensus eruditorum, sicut vivendi, consensus bonorum. Si igitur eruditi & vulgus in usu vocis ejus conspirant, ecquàm regulam Crellius suæ locutionis nisi à se ipso & suo Patriarcha Socino petet, ac, ut *Qvintil.* tales taxat, inharebit molestissima perversitate, somniis suis. (2) Ut non negem, si usus vocis specialis in Sacris exstet, illo in tali materiâ, & quousq; ipsa porrigitur, rectè stari: Jam verò Crellio aqua oppidò hærebit, ut ostendat, hanc vocem in Sacris ita accipi. Nam & Analogia doctrinæ Christianæ, & conformitas mediationis Mosâicæ ac Christianæ, & Patrum Tertulliani, Prudentii, Ambrosii aliorumq; non paulo, quàm Crellius & Socinus, fidelius & rectius cum sacris literis agentium consensus longè aliud præ se fert. Incumbit ergo Socino Crellioq; affirmantibus usum tam & vulgo & eruditis, iisq; Christianis & hujus studii probè consciis adversum, ut alicundè idoneè probent. Dicta certè, suis hypothesebus tam inimica, sollicitas se, & contra usum loquendi profanum & sacrum impudenter sine ratione blaterasse, nimis indignum sit. Ad auctores tamen, ac *Erasmum* primò provocat, sed is: fortassis, ait, & hæc una est ex his dictionibus, quas, ceu peculiare divine Scripturæ, mutare non possumus, nisi placet, Conciliator & Intercessor: Ille verò & dubitanter loquitur & Synonymis componit planè

planè in nostram rem aptis, & usum loqvendi sacrum vulgari. l. adversari nil minus, quàm asserit. Ita Socinus Bezam appellat, miris cum epithetis honoris, quod ad errorem suum facere videatur. Quid hic vero d.l. Dixit Apostolus non opus esse internuntio, in qui inter se consentiunt. Itaque legem cum per internuntium ferretur, non fuisse consensus sed discordia signum. Et paulo ante: Paulus arrepta occasione ex ipso ferenda legis modo, eam ostendit non modo non esse vinculum illud nostrae cum Deo conjunctionis, sed etiam certissimum esse signum nostrae ab illo alienationis. Cedo enim quae causa fuit cur in ferenda lege sit adhibitus internuntius? Quia Deum ut terribilem ac formidabilem legislatorem ferre non poterat Israël. Ergo lex illud non est quo Israël adjungitur Deo, sed quo deiecitur, internuntium, requirit. Lex, inquam, non est appendix illius suavissimae vocis: sum Deus tuus & seminis tui, quae nemo non alliciat. Quamvis autem utatur hoc proœmio, Audi Israël, ego sum Dominus, Deus tuus; ea tamen est huius vocis maiestas, quam ferre mortalis conditio non possit. Dicitur ergo internuntius non esse unius, sed minimum duorum i.e. inter se dissidentium. Nam omnibus linguis usitatum est, ut qui inter se amant, unum esse dicantur. Et praeterea respexit Paulus Dei & hominis conjunctionem in Christo, cuius per fidem finis participes, ut Joh. cap. 17. v. 21. & 1. Cor. c. 6. 17. & 2. Petr. 7. 4. Id vero quàm verum sit apparet ex Evangelica doctrina cum legalibus mandatis comparatione. Nam pro eo quod lex nos perterrefacit, Spiritus docet nos clamare, Abba pater! & magna cum fiducia ad thronum maiestatis Dei percurrere, ut filios deceat de bonae patris voluntate securos, ut infra v. 26. 28. & 29. Evangelium igitur illud unum est, quod fideles omnes in Christo coalescentes benedictionem illam gratiam percipiunt; Ero Deus tuus & seminis tui. Quo pudore ergo audent pseudapostoli (Socinus & Crellius) legem cum promissione coniungere, ut Christum officio suo spoliarent?

§. 8. Ex dictis ante Synonymis alia minus, alia magis ad plenam explicationem & significationem nominis

Mediator accedunt; minimum quidem *neuter*, ut indifferens ad litem partium; minus *Interpres*, *Internumus*; magis *Interponens*, *Conciliator*, *Sequester*, *Intercessor*, *Moderator*, *Gubernator*, *Proxenetæ*; proximè *Disceptator*, *Deprecator*, *Arbiter*; optimè ad eundem litem, *Pacificator*. De differentiis horum in *Latina*, & aliis lingvis *Synonymorum*, cum ea ordine examinare longius paulò esset, plura addere supervacaneum esse putamus. Vid. Bertachin. Repert. Marini. Lex. Phil. & maximè Autt. qui rem substratam istis appellationibus pertractant.

CAPVT II. OBJECTVM DECLARAT.

§. I.

Explicatis iis, quæ circa nomen monenda erant, considerandum venit objectum, quod distingvimus in materiale & formale. I. Materiale quidem statuimus *extrema*, partes nempe de certo quodam negotio *diffidentes*. Proinde necessario ad minimum requiruntur duo extrema; hoc nominis prima significatio & quicquid mediū rationem habet, facile arguit. Quos & ipsos ab hoc certo *diversos* esse liquet. Adversus se ipsum neminem amoris odiiq; rationem habere jam pridem ostendit *Aristot. Eth. Nic.* contra Platonis lubricam sententiam. Utut verò plures duobus ad *mediationis* objectum concurrant tamen negari nequit, exinde duas solum fieri partes à se *differentes*: causa enim una est & eadem, atq; ita necessum, ut altera aliquid affirmet, altera neget; hoc si ergo fit oriuntur *contradictoria*, inter quæ non datur *medium*. Atq; si plures duobus videantur complicari, ut in socialibus bellis solet, e.g. Peloponnesio, Romanorum cum Macedonum & Asiæ RR. æstimantur tamen intuitu oppositionis ad idem negotium, velut bini ex adverso stantes: ac multitudo solum

materialiter & per accidens habet sese. Est id, quantum intererat singulorum in causâ communi, ab unâ parte militantium, non esse æquale; idem tamen genere negotii est. Sicut in Societate commercii singuli contribuentes dispari summâ, cuncta tamen ad idem propositum conferunt. Atque hoc de *Principalib. ac Notoriis Partibus* accipitur.

§. 2. Sunt præterea alii, qui partibus principalibus sese velut occulunt & applicant, & hinc commodè dici possunt *testi*: qui cum fuerint in tempore pacati & compositi, res cum principalibus commodius procedere solet, quam si eis neglectis tentetur. puta *agnati, socii alii in causis, ministri, & quisquis principalium ac verarum Partium statum privatum, animumq. suo facto alienare possit à conventionem propositâ.* Atque id non sine ratione polititâ felicius fieri posse videtur, principumque privatum statum sæpissimè exposcere nullum dubium est; sic Mariæ Stuartæ Parens Scotiæ Regens, Gvisianis obstantibus clanculum, nec cum Civibus nec cum Anglicis pacem tueri poterat. Et Ludovicus XI. captabat maxime Anglos proceres, ne Regem suum contra se obfirmarent. Vid. Cornæum. Gallica Catharina Medicæ filios prohibidine jam incitabat ad bellum, jam aversum ibat. Idque fatum regibus incumbere, nil mirum est, cum epidemicus affectus sit hominum; ac rarò existat, quem non id genus Admissionarii, Ministriissimi, Consultores circumagant, trepiditate animorum vulgatâ, proprio judicio pauca statuendi, statuta per affectum obrepentem invertendi.

§. 3. Sunt verò & alia, quæ in Partibus, ut eas suo studio *Mediator* verset, præparata velit: Ut 1. Disparitas, partim dignitatis, ne cum tali sese tanto opere conciliari videri velit eminentior: partim juris, ut si cum Rebelli negotium sit. Sic dedignari Romanos sæpius legas tractationem inter se & hostem temerarium, adeò ut bellum *de oratione* ad perniciem gerere malint, raris *Mediationis* exemplis, in

bellis ipsorum, nisi postea, cum Gracia rebus immiscerentur. Et Hispanos Batavorum conciliationem diu recusare notum est, quod cum his velut rebellibus sese eatenus exaquare nollent. Eoq; vel hodiè concordia elusa est tantisper, cum hostium legatus agnoscere pars adversa detrectavit: nedum ut Conciliatoris interventu tantum fierent. Socialium ea bel-
lorum communis fortuna est, ut Duces partium sufficere putent, si secum solis tractetur; Per se vero concludatur quod ad minores attinuerit. In quo statu laudem meruere Romani, cum nulli sociorum facile præjudicatum in ipso hoc tractandi genere vellent: Ac meliores multis Christum professis, qui dememores, quam cum impari ipse Deus Opt. Max. sese non passus solum sit, sed concupiverit conciliari, fastu exitiabili turgent. 2. Odium internecinum; Inde Romanos tot annis Belli Punici II. nullam pacis mentionem fieri passos, Livius docet. Eamq; legem sibi gloriosus Ordo Equitum Johanniticorum Melitæ jam præpotentium dixit: incessabile cum infidelibus barbaris bellum exequi. Idq; adduxit Turcos, tot vexationum ab excurrentibus per mediterraneum mare pertasos, ut repetito conatu Rhodum toto semestri obessum expugnarent; præoptante Magno Magistro triste exilium, quam tributariam pacatamq; cum hoste potentissimo fortunam. V. Megiser. Hist. Bell. Rhod. Sed de his inferius plura in Cap. de Oppositis.

§. 4. Cognito objecto materiali series poscit penitus paulo inquirere II. in *formale objectum*; quod asserimus esse duplex, Professum sive apertum & Tectum. Professum quidem dicimus *controversiam, inter partes conciliandas*. Hæc *controversia* 1. In exterioribus actibus agentium deprehenditur; qui vel per se hostilitatem important, vel indicio sunt animi aversi & in deteriora proni. Prius docent insolitæ excursions, prædæ, commercia cum hoste nostro; unde nobis aggrè fit. Dico: *insolita*; nam, inter quasdam gentes ratio-

nem litis non habent talia; c. c. latrocinia mutua, Homer. ut hodiernum in confiniis Hungariæ: eò quod militariibus viris facultas sese movendi exercendique relinquenda sit; *Vid. Buzbecq. Epist. Turc. & Hist. Pactorum inter Hungar. Reges & Portam Ottomann.* Posterius indicant cum omiſſa priſtinae benevolentia signa, de quo Legati Romani Perſeum & Prusiā inculabant, q̄verebantur Rhodii, exosi Romæ, ob Perſeum adamatum; tūm negata poſtulata non incommoda, ut transitus innocui, commercii, com̄eatus & aliorum abundantium. 2. totiplex est, quotuplex injuria. *Causa enim iusta belli suscipiendi nulla esse alia potest, nisi injuria.* Iniquitas parvis adversæ iusta bella ingerit, inquit *Augustinus*, ubi iniquitatem dixit pro injuria, quasi *adixian* dixisset, cum vellet dicere *adixipua* *Grot. de Jur. B. & P. lib. 2. c. 1. n. 4.* cum annotatis auctoris. Ac idem eorūdem belli fontes asserit, quot actionum forensium sive originēs, ibi enim incipere bellum ubi iudicia deficerent. Quas causas ad tria posse referri capita putant, defensionem nempe, recuperationem rerum & punitionem. Quamvis de tertio genere non satis probare visus sit. *Vid. Zigl. & alios h. l.*

§. 5. Posito objecto formali, controversa nempe, quæri possit, sola controversiane, an & aliæ res possint statui circa quas Mediator stricte sic dictus versetur, c. c. communicationes quoad actus intellectus e. g. doctrinae; sic conventiones, amores, amicitiae: uti *Moses* intermedium inter Deum & populum *Israelicum* dicitur. Respondetur: ut ut non negati possit talia inter duas partes agi solere; verum tamen eos appellari proprie Mediatore, quatenus quidem in famosiori significato sumitur, nefas esse ducimus. Potius nominandos censemus Interpretes, Inter nuncios, cetera plerūque nomina, uti nostrum Mediatoris, non nisi imperfectè, ratione eis causis accommodari.

§. 6. Socinus tamen d. l. remis velisque contendit, latius porrigi hoc objectum, ad omne argumentum quo diverſi inter sese per tertium velut interpretem conjunguntur.

tur. Eoque invertit loca Scripturæ S. quæ *Mediatorium officium* in litibus terminandis, per receptam & probatiorem sententiam, ostendunt. Mihi eousque cum procedendum jam non sit, suffecerit repetiisse è c. 1. quod Ille cum suis, nondum probavit de suo affirmatum vocis usum latiore eumque proprium: nec auctoritatem ullam adducat, nomine *Mediatoris* quempiam usum fuisse in re non controversa. Ast qui affirmat, is secundum vulgarem regulam probare tenetur: contra iste superbi fastus & dementiæ insimulandus merito fuerit, qui omnes alios in toto terrarum orbe eruditos imperitiæ & erroris accusaverit, qui per vulgum omnes habent *Mediatorem* non dici, nisi qui duos inter se invicem dissidentes componat & alterum alteri conciliet. Eoque indigna est detorsio luculentissimorum locorum, dummodò somnium semel arreptum de Deo nil hominibus offenso, eoque non cupido ullius secum reconciliationis, ac falso assertæ satisfactionis per Christum præstitæ, persvadeat miseris mortalibus. Qvem vereor ut ullus *Mediator* in angore animi implacabili ac severo Dei judicio dignetur suâ ope, quam certè vel inter homines sibi justius invicem concessuros, ratio sana commendat; nedum adversus Deum, cui quam parum ad placitum respondeat humana conditio & vita omnis, intima hominum singulorum in suismet inceptis displicentia & desiderium meliorum satis arguit. Licet per animi cæcitatem epidemicam, quo genere flagitii primitiis Numen DEI averterimus, nemo assequatur. Quod majori meliori que judicio demonstrat B. *Lutherus ad dictum locum ad Gal. v. 20.* ibi enim: Wer auf sein (Pauli) Wort mit rechtem Fleiß Achtung hat / der versteht bald / daß er vom Mittler in gemein rede / und nicht den Mosem allein wil verstanden haben. Ein Mittler / sagt er / ist nicht eines einzigen Mittler / sondern wo ein Mittler seyn soll / da müssen von Noth wegen zwey Theil oder Partheyen seyn: Eine

Eine so beleidiget/die andere so beleidiget wird; Die nun beleidigt hat bedarff eines Fürbitters oder Fürsprechers/die andere aber bedarff sein nicht/daraus wohl zu verstehen ist/das ein Mittler nicht eines einigen Mittler ist, sondern zweyer Theil/ und solcher zweyer Theilen/ so der Sache mit einander uneinig sind/ dennoch ist Moses auch ein Mittler/ denn er ist ein Unterhändler zwischen dem Gesez und dem Volk/ welches nicht leiden kan/ das das Gesez mit Ihnen nach seiner Artz handeln/ und sein geistlich Werck in Ihnen haben und ausrichten solt; Derhalben muß dem Geseze eine neue Gestalt/ und ander Ansehen gemacht und Ihm auch eine neue Zunge und andere Sprache gegeben werden/ das ist/ die starke und gewaltige Stimme/so das Geseze nach seiner geistlichen Artz und Krafft hat/ dadurch es sich in der Menschen Herzen/ als eine gewaltige/ lebendige Gottes/ Krafft erweise/ und derhalben Ihnen unleidlich ist/dieselbige/ sollen sie anders leiden und hören mögen/ muß sich verstellen und verändern lassen/in die Menschliche Stimme Mose.

S. 7. Non sufficit autem *Mediatorem* sive *Pacificatorem*, *Controversiam* ejusque causas à partibus assertas cognovisse, sed præterea quoque maximopere necessum est, in rei veritatem exactissimâ inquirere; delata, vera an falsa sint? Nam, præter veras, dissidendi ac dignas odio causas, plura parum decora subesse amant: è quibus plurimâ mala orta, & bellis esse prætexta, experientia præcipua nostra magistra docet. Jam pridem *Polybius*, & senior *Thucydides* observarunt, quibus prætextuum astragalus reges hodiè & heri belligerantes ludant, ad Æsopieum illum Phædro descriptum lupum, ovi exitiosum. Vel enim planè fallam, vel secundariam causam, in vulgus jactant suis Manifestis commentis, ut Memphisici Sacerdotes rostra ibidem imperitis pro religionis irritamento. V. DN. Præses d. h. r. Sic ingentia bellorum incendia specie religionis excitata meminit nostræ præ patria: quæ ac talia nil dignius fere habent quàm à

Carolo superbo agitatus currus pellibus onustus, ut Helvetios adoriretur; licet non perindè occidant, DEO malos amplius tolerantes. Cujus etiam ingenii flagitia hodiernum experimur dolentes, ac vindicem tam larvæ, quàm testæ atrocitatis Deum imploramus. Ne igitur vitrum lambat, pulsem non attingat, adeò frustra sit, oleo operaque sedulo perditâ, ut fidus *Mediator causas belli* ab utraque parte investiget, valdè opus est. Has cum *Grot. l. 2. c. 1. de J. B. & P.* distingvimus in causas *justificas, & suasorias*; illas cum eodem *num. 1. d. l.* vocamus, quæ *movent sub ratione justæ*, has, quæ *movent sub ratione utilis*. Sic Romani Dalmatis bellum indixerunt, ipsi tamen apud externos hanc assererebant causam, quod contumeliam legatis suis factam, bello sibi persequendâ judicassent, *Polyb. Excerpti. legat. 12.* Talis erat in Antiochum Magnum, liberatio Græcarum urbium in Asia, In Siculos, defensio Mamerinorum. Et quis vetera requirat, si hereditatis petitiæ causam pro uxore, à Rege Galliæ bello ad hunc diem prædominante respicimus?

§. 8. Hoc discrimine neglecto *Mediator* ad falsam sententiam induci potest, numerum causarum obtenturum saltem respiciens, & quod externâ specie jus maximum minuitur. Sic non causa ut causa sapissimè adducetur; eoq; videndum an hæc ad partes defendendas sufficiant, sintq; causæ belli impulsivæ, è certò conscientia rectæ dictamine. Unde protenus arcem affectuum pravorum invadere, & commodo ariete impellere ac obtinere prosperius, queat. *Primum horum humanum excedit modum. Grot. l. 20. 22. de J. B. & P.*

CAPUT III.

PRINCIPIVM EXHIBET.

§. 1.

PAcis principium quod, idq; tum principale, tum secundarium dicimus

cimus esse personam tertiam eamq; neutram ad litigium, quod alios intricat. Unde cum Rhodii Romanis & Perseo Macedonum Regi series offerrent sese Mediatores, illi publicare stultitiam Rhodiorum volentes responderunt apud Polyb. Excerpti. legat. 88. Rhodios neque propter utilitatem Gracia, neque studio populi Romani, sed pro Perseo legationem eam misisse: nam si pro Gracis legatos mittere in animo habuissent, opportunius illud tempus fuisse, quando Perseus Gracorum agros atq; urbes vastabat; toto ferme biennio in Thessaliâ castra habens. Quod igitur, eo pratermissa tempore, nunc veniant & bellum dirimere conentur, postquam nostri exercitus in Macedoniam sine transgressi & inclusus Perseus exiguum prorsus salutis spem habeat: perspicuum esse recte iudicantibus, Rhodios legationem misisse, non ad pacem faciendam, sed ad Perseum ex periculo, quod in ipsis foret, eripiendum. Propterea censere Patres, neque laetitia, aut aliud ullum benignum responsum, legatis dare se debere. Scilicet prudenter æstimandum est, an quis sese immittere eis fluctibus dissidentium debeat? Nam & generatim de hoc quæri potest, ecquis esse debeat ejusmodi neuter? Solon eum honoribus abdicavit, qui orta seditione neutram factionem secutus esset, Plutarch. in vit. Solon. num. 19. Idem quoq; vult Machiavell. Princ. ut ius princeps verus amicus sit & verus hostis, remq; totam ex varia dignitate & utilitate iudicat. Nam ait. in Lundorp. act. publ. l. 10. fulè & prolixè hanc rem expedit, plurimasq; rationes pro utroq; addidit: Nam principem se alterutri parti adungere debere probatur è reciprocis subsidii, nimia alterius potentia, damni magni depulsione, Religionis consortio, felicibus alterius successibus, sui ipsius conservatione, amicitia sive fœderis jure, aliisq; plurimis cap. 36. ejusd. lib. Neutralitatem s'vadent, pacis præstamia, æqua parium dissidentium potentia, belli incommoda, odium aliorum & furore alterutrius partis, potentia partis hostilis, eventus incertus, amicitia utriusq; partis servanda, causa dissidii levîs, denegato auxi-

lio pax citius speranda, præmium seu gratia pro neutralitatis officio, gloria seu honor è rebus compositis.

§. 2. Verum ut *cæteris paribus* ad partes affirmantis accedamus, rationes pro Mediatione probabiliore videntur. Hoc officium humanitatis initio indicatum, foeditas contentionum, periculum incendii communis, ac Divina voluntas satis arguit. Verus est Romanæ legationis ad Reges Syria & Ægypti sententia: *æquum esse, ut Romanorum socii & inter se pacem servent.* Ac illustre videtur divinæ providentiæ specimen in hoc malorum humanorum genere, quod semper supersint, qui contentionibus aliorum sese interponere iisque modum imponere non recusant. Accedit, Deum hominibus statum & animum paulò alienum à consortio belli pro tempore locoq. addere, ne uno impetu universi inter se concurrant; uti Philippum Macedonia Regem tam opportuna ipsi Antiochi Asiæ Regis arma in Romanos nil moverunt ad societatem, offensum perlevi causâ, teste Livio. Ipse benignissimus Deus cum hominem alienâ fraude impigisse nosset, ac nil *medii* superesse, quo sibi conciliaretur, suggessit ultro, & summo studio adduxit, ut acceptaretur salutare *Mediatoris Christi officium.* De quo Theologia nos præclare erudit.

§. 3. Jam ad legem Solonis quod attingit, ea per ipsam rationem & Plutarchi præcipue effato incredibilis atq. admiranda est, quamvis alia conditio sit eorum, qui in eadem sunt civitate. Atticæ sane LL. Arbitros prius, quam iudices sub gravi multâ adiri voluerunt; ac arbitros ipsos, ne eam operam detrectarent, poena statuta perpulerunt, de quo vid. *Sigon. de Rep. Athen. l. 3. c. 5. 101.* Machiavelli. æque periculosam sententiam refutat *Cuning. animadv. Polit. in Machiav. Princ. c. 21.* & docet: videri consultius neutram partem juvare; nullam esse necessitatem opem alterutri ferendi; si
verò

verò quiescas, neutrius partis inimicitiam subeundam, quam vitare non possis, alterutram si juveris; sine certi autem commodi spe vicinum aliquem potentem inimicum reddere, hoc verò est in discrimen temp. conjicere. Inde potissimum contraria partis argumentum de nimia alterutrius partis metuendâ potentia destruit. Verba hæc sunt: *Quod si tuis auxiliis altera pars vincat, eo ipso augebis potentiam vicini, quod non vacat periculo, cum intersit potius, vicinos habere non potentes, aut vero multos pari potentia, ut mutua emulatione illorum tuis securus.* Hinc utut objiciatur, amicum adeò parari potentem, & sic sperandam sibi esse in adversis opem, Resp. beneficii lati memoriam raro solere esse diuturnam, exitumque hujus rei æq; periculosum fore ac leonis cum asino initam amicitiam atq; conjunctionem.

§. 4. Sed hoc negotium, *cæteris paribus*, probabile diximus. Fit enim (1) ut *neutralitate* Tua, socium benè meritum male deferas, (2) ut opportunam ope non latâ officii gratiam amittas. Quorum prius Rhodii dicto tempore tot vinculis Romanæ Reipublicæ innexi commiserunt. Posterius prudenter advertebat L. Mamilius Tusculanorum dictator, Capitolio per Herdonium Servorum ducem noctu occupato; ac suos cives, præter rationem periculi communis & debitæ fidei, eo quoque argumento urgebat ad auxilium ferendum: demerendi beneficio tam potentem, tam propinquam civitatem nunquam parem occasionem daturus deos. *Liv. l. 3. edit. Sigon. p. 31. B.* ut constet, cujus auræ amicus sis. confer *Saved. Symb. Schupp. jucund. libello: Freund in der Noth.* (3.) Ut conniventia tuâ & moris paciferis irreparabili clade ac rerum conversione status publicus à partibus demutetur; lærò tum accusaturo teipso tuum lentorem: id quod ostensum bellis Turcicis, cum modo Gallus, modo Anglus, modo alii Mediatoris inutile sibi orbiq; Christiano officium in Portâ summere, quam arma sociâ maluerunt. Uti Elisabetha Angliæ

Regina indignabatur sibi à Sigismundo Poloniae Rege pro illo beneficio nedum gratias agi. Idem in Imperiis quo fructu hodiernum probetur, & eventus & ratio potior eventu docet. Quis enim nostrum sibi meliora polliceatur, si extranei praevalent: nec decantatas regnorum everfiones affectata Neutralitate & haesitabundis judiciis promoveri sciat? Certe nil horum tandem assequemur, nisi infamiam desertionis & animi à genio patriae alieni. *Qui non est mecum, adversus mihi est*, ait Salvator. His tamen nil repugnat, tentare concordiam. Ut egregie Dux Mauritius bello inter Socerum & Ducem Brunsvicensē, arma, cum operam utilem & causam probabilem alter non admitteret, pro fide & virtute sua jungebat.

§. 5. Summa vicissim necessitas exigit adesse tertium, quibus intricatis & contentiosis medium ad pacem capeffendam reperiat. Videmus quotidie & in privatis litibus, quanta incommoda videntur accedentibus mediatoribus; plurimi enim iracundia atq; furore perciti à conflictu prius non desistunt, quam animum exacerbatum vel hostilis partis interitu expleverint. His verò Mediator ut Deus è machina subvenit, regit dictis animos & pectora mulcet. Ita natura quoddam omnium rerum medium esse voluit, adeo ut nil sit salubre, nil jucundum, nil cum virtute conveniat, quod non sit temperatum, hinc *Ovid. Metamorph. L. 1. fab. 2.*

Temperiem dedit mista cum frigore flammā.

Imminet his aer, qui, quanto est pondere terrae

Pondus aquae levius, tanto est enerosior igni.

Illic & nebulas; illic consistere nubes

Fussit.

Sic natura Oceano certos posuit limites, ut jam huic jam illi mari terrae quaedam pars interjaceat, ac distincta sibi quae opportuna invicem, non consula sint.

§. 6. Talis mediatio & ipsis partibus esto gratissima, licet

licet aliis viri nulla in re animi eorum consentiant; eoq; fieri solet, ut jam expetant *mediationem* palam nullo sui dedecore, aut infirmitatis confessione, ut Romani optabant in commodis Mædonici belli liberari; jam occultius excitent *Tertium*, ut intervenire & componere controversias amet. De quo cap. ult. agendum est.

§. 7. Evoluta quæstione, *an sit*, contemplandum est, *Quisnam* sit, siue esse debeat, ille *Pacis Portitor*? In quo per omnes ferè naturæ humanæ & status politici conditiones ire fas ac utile est, inde quantum accedat instituto. Talis i. *sexus* est. Sane vulgò constat, viros & pacis & belli artibus foeminis esse præstantiores, tum ob animi vim ac meliorem agendi modum, tum ob corporis vires; eoq; arceri in republ. ab omni negotio solent. Verum id in dubium vocare possint exempla vetera & recentiora, quibus foeminarum virtus eventu curæ illius inclaruit. Nota est pax, mediante Catharinâ Medicâ Reginâ, inter Regem Gallia & Hugonotas sapè conciliata. Similem in modum Elisabetha Regina Angliæ erat *mediatrix* inter Batavos & Hispanos, Turcas & Polonos. Sic seculo præcedente in causâ Livonicâ inter Svedos Polonosq; Anna reginæ Catharinæ soror conditiones proposuisse, literas Stocholmiâ misisse dicitur in gratiam Regis Stephani apud *Thuan. lib. 76.* Notatu quoq; dignum videtur, quod Veturia & Volumina irritis omnium ordinum precibus a Coriolano patriâ pacem intercessionem suâ recuperarunt. *Plutarch. in vit. Corul. v. G. Schupp Orat. Venetia nomine habita.* Ethodienum idem in extremâ Asiâ usu obtinere testis est *Pinto in Itinerario*, qui se præsentē ad Regem Viduam sexagenariam nomine *Nhay Pombaya* à proximis Insulis ob res bellicas missam venisse refert, simulq; addit: *res maxime serias atq; difficilimas seminis internuntius expediri solere, præcipue in rebus pacem & bellum concernentibus*, haud incongruâ ratione: Denn sie geben vor / es habe Gott die Weiber mit mehrer Liebligkeit

Bescheidenheit und Ansehen begabet denn die Männer/ als welche/ wie sie sagen/ strenge und deshalb nicht so angenehm bey denen wären/ an welche sie abgefertiget werden. Inter res etiam Galliarum & Hispaniarum, ut Carolus V. castris inter se oppositis, reginam rem transegerunt. *Jov. Generatim tamen cum Poeta Aristot. Pol. l. i. c. ult. mavult γυναικὶ κόσμον ἢ σιγῇ φέρεαι, i. e. mulieri decus adfert silentium.*

§. 8. Mares, (quo jam & Eunuchos referas, officiis virilib. ut bellorum, quod Turcica, olim Persica, Byzantina in Nariete, & ratio Cyri Majoris ap. Xenoph. l. 8. probat, ita his placidioribus adhibitos statuas licet) juxta ac mediae aetatis ad Mediatoris officium tuendum adhiberi rectissime extra dubium est. De senibus, adolescentibus & pueris magis quæri possit, cum quod attinet ad senes, *Horatius* pronunciet:

*Multa senem circumveniunt incommoda, vel quod
Quærit & inventis miser abstinet, ac timec uti;
Vel quod res omnes timide gelideque ministrat,
Dilator, spe longus, iners avidusque futuri,
Difficilis, quævulus.*

Confer *Cicer. Catone. Adolescentes* quoque talium minus capaces esse inde judicare liceret, quia nulla rerum experientia essent instructi; præterea hujus generis ætas esset ambitiosa, superba, contentiosa & simplex ac nullâ polleat auctoritate. *Pueros* quod attinet, satis explicuit *Aristot. d. l. quæ virtus pueri sit, & βαλυνκὸν αἶτ & δὲ ἥλυ ἐχει μὲν, ἀλλ' ἀκρὸς, ὁ δὲ πῶς ἐχει μὲν, ἀλλ' ἀπαλὲς, i. e. Famina habet illam quidem (vim consultandi) sed infirmam, puer verò habet ille quidem, sed imperfectam. Eoque ejus virtutem, ad alium, qui præest refert, ut obsequatur. Aetas prima ceu brutum pecus, ut educetur mentis aliena indiget, *Aeschylus* est didum, à *Grotio* expressum, lib. 2. cap. 5. n. 2.*

§. 9. Verum nil obstat, quo minus affirmemus omnem æta-

etatem hujus muneris quoad antequam esse capacem. Omnis enim hujus generis actio ex objecto & circumstantiis aestimanda, cui vel puerilis, vel virilis, vel senilis ætas, prodiversorum rerum statu arridere potest. Constat ex Arist. Oratorem benevolum, cordatum, prolium auditori videri oportere; Quid jam gratius & jucundius, quam ætas prima? solus amor erga in tantam roganti veniam sæpe dedit. Quis nescit, ut Themistocles Admei gratiam recuperaturus arrepto ejus parvulo filio, cum eo in sacrarium, quod summâ colebatur religione, se conjecerit, quod supplicandi genus maximum ac ferme solum nunquam repudiandum Molosso opponebatur, Plut. in vit. Themist. num. c. 46. & ib. in vit. Cat. Uticens. n. 7. 4. cum Pompædus Syllø vir militaris, summaque inter socios auctoritatis, propter amicitiam, quæ sibi cum Druso erat domi ejus multos dies obversaretur, puerisque familiaris factus, eos rogasset, ut Socios populi Romani in impetranda civitate apud arvunculum juvarent, Capione id se factum comiter significante, Catone vero nil ad hoc respondente, sed oculis torvè in hostes fixis & inenit. Quid tu, inquit Pompædus, ad hæc, mi parve, respondes? nunquid non juvare hostes apud arvunculum, quemadmodum frater, potes? Ubi verò nil Cato respondisset, sed tacurnitate & vultu negare videretur, prehensens puerum Pompædus: Ideo per fenestram inde abiecturum se illum, nisi precibus annueret, comminatus est, atque in manibus suspensum efferens minaci vultu & acerba voce concussit, neque tamen abincepto novere illum potuit. Itaque deprensens eum Pompædus ad socios reversus, Gratulemur, inquit nobis, esse hunc puerum, qui si vir esset, nullo modo civitatem sperare liceret.

§. 10. Quis præterea hodie, cum primis in aulis Principum, in gynæceo, cuius favore pleraque perpetres, gratius, quam juvenis? Certè imperantes ex juris necessitate paucæ tolerant, affectu & beneficio vincere vinci que malunt. Cui spei nil gratiofa adolescentia opportunius est. Quis demum dubitet, senectutem egregiè talia efficere posse; ea enim ipso adpectu & verbis est venerabilissima. Romani legatorum

rum Punicorum dignitatibus & ætatibus conspectis, *jam verè de pace agi*, agnoscebant apud Livium. Itaque *legatis* Græcis *περισσῶς*, ac *senex*, *περισσῶς* eleganter collidunt; ac in copiâ, maximus natu verba facit. Vid. *Homer. Iliad.* Phœnicis legation. ad Achill. *Curtium* sæpe. Adeoque senili prudentiæ, moderationi, gravitati ista vel maximè committi debent; licet nullam planè ætatem excludi possè probabilissimum sit.

§. 11. His si & naturæ dona conveniunt, quis dubitet, rem plurimum juvari: sic minusabilem claudum, gibbosum, aut alias notabiliter deformem hominem? & cum plerumque ita comparatum sit, ut gravior sit à pulchro veniens à corpore virtus, ac mores habitumque corporis sæpè magis quam interna respiciamus, curandum, ut destinentur, quos decora species commendat, vid. *Gemil. l. 3. c. 3.* Phæneam Ætolorum legatum, ut ob valetudinem oculorum, dicax R. Macedonum exagitet apud Liv. & Cato trium Romanorum legationem *capite* seu cerebro sano, *lingua* & *pedibus* carere notarit, Plutarchus observavit. Hinc *Curtius l. 6. c. 5.* refert, barbaros Alexandrum despiciatos ac magnorum operum eos capaces non judicare, quos natura specie quadam externa dignos non putaverit, perinde nos, ut *Gemil. d. l.* legatum pulchrum, sic nos mediatorem pulchrum esse volumus. Huic subvenit & *Vox*, qualè Rhetori suo poscit ars, ne balbutiat, strideat, murmuret, sed clarè, articulatè ac graviter loquatur, necessum est; Hoc enim plectro tentantur animi ad consonantiâ. Sed demutari pro *ætate sexusq;* *Mediatoris* ista, sponte intelligitur.

§. 12. Nec negligenda *fortuna* exterior, cum gratuita sit opera illa, & privatis impensis sese verendum reddere ac gratiosum, alios quoque sibi faciles variè præsertim aureo hamo trahere debeat. Ipsi sane dissidentes, armis virisque ac fortuna tumidi, nisi apparatus dignitati personæ respondeat, dedignari amant, uti vel in ipso Carolo Superbo Angli male tunc consulti peccabant; quippe di-

pe divitiæ hodiè in majori habentur pretio, quàm Virtus. *Aurum* enim, ut Horatius docet, *perrumpit saxa, per medios transit satellites*; alioquin splendorem officio per se illustri & arduo conciliare nequit.

§. 13. Non minimum quoque utilitatis accesserit, si talis Mediator uni alterique parti *cognitione junctus ac amicitia* esset. Fiducia enim in ipsum certa spectanda est, sine qua mediationes sive rejici, sive in speciem admitti notum est. Itaque nec peregrinus tam commodè *conciliator parium* recipi poterit, præsertim cum & res litigiosa, ingenia ac status pristinus & præsens ei minus nota sint. Nedum ut ipse sese ambitiosè offerat: neminem enim se alienis & peregrinis rebus sine suspitione immiscere præsumitur. Communes quoque amici tum optimi, ut inter Fridericum Placidum, Electorem Saxonie & Wilhelmum, Fratres, Brandenburgicus Marchio; Hassiæ Landgravius inter Mauritiū & Johannem Fridericum Electorem Saxonie. Eodem *dignitas* pertinet, parve statu, potentiæ, fortunæ, an secus, videatur? Tarentinis malè cessit, cum inter Romanos & Samnites comminando etiam pacem urgerent. Liv. Monitorem non fert, qui propè imperio in tertium sese dignum, certè comem sibi reverentiam debere existimat.

§. 14. Fides pacificatoris multum quoque augetur apud partes, si *religionis* ejusdem cum iis studiosus, vel & eminentis pietatis est: & hinc Clerici suo jure se infausti inter Christianos dissidii arbitros non immeritò profitentur. Ita Papa Romanus hac larvâ sanctitatis ut communem Patrem olim multis filiorum spiritualium bellis se immiscuit, nullam aliam actionis causam prætendens, quàm religionem: eoque & inter Moscum Johannem Basilidem & Stephanum Polonie Regem Possëvinus Jesuita *mediare* jussus; ac apud *Frosardum* inter Anglos; & Gallos *mediatores, Cardinales* ultro citroque *commeando acies structas* distinuerunt.

§. 15. Tertius si sit *vicinus*, justiore & commodiore videtur habere causam, sese interponendi; ipsius enim res quoque agitur, paries cum proximus ardet; & vicinitas gentis bellicolæ est periculosissima, ut rectè tradit *Keckerm. Syst. Polit. lib. 1. cap. 24.* Hoc observavit Ferdinandus III. Romanorum Imperator, videns enim in viciniam omnia flagrare inter Svedos & Polonos, & ipse sese interposuit eosque conciliare vi juris viciniratis conatus est.

§. 16. *Cognatio* quoque talia officia ultrò exigere videtur, quod demonstrat prælata ratio impulsu ad eam curam mediatoris, ut hodiè Potentiss. Rex Angliæ bellò hoc Gallo-Germanico tantum elogium sustinet. Leges *amicitiæ & fæderis antiqui* id non minus jubent, si enim mutuz conservationis, licet non adstipendi in præsentis causâ, pacto teneor, eidem pacem hac via reparare obstrictum me cenlebo. Quo argumento Angli usi sunt, ut Hispanos Belgio conciliarent, vi pactorum cum domo Burgundica.

§. 17. Sunt etiam exempla eorum, qui velut *pro imperio* se mediatores obtulerunt, suâ potentiâ freti, ut metu incusso facilius dissidentes ad pacem compellerent. Sic Magnus Rex Persiarum Artaxerxes minis Spartanos & alterius partes Græcos composuit. Perinde Romani coëgisse, nolentes bello invasisse leguntur. Itidem Philippum R. Macedoniae fratres de Regno disceptantes specie arbitrii ipso regno spoliasse, Curtius auctor est.

§. 18. E quo supremò fluit, ingenii sui vim, animique moderamen nosse, ut *indifferens* sit ad utramque partem, à nulla harum pretio, vel pollicitationibus se corrumpi permittitur; ut *æquitate* sua vincat obstinatos, & vel intolerandas alioquin intemperies verborum factorumque, quibus partium impatientia erumpit, moderatè ferre non recuset. Id quod *arbitri* officium alioquin suggeret.

§. 19. II. Principium Mediatoris *Organicum* sive Instru-
men-

mentale, quod Principali superius explicato respondet, dicimus esse *Legatum*. Ubi quæritur, an latius sit, Principem mediatorem *legatos* mittere, an *ipsum* venire in rem præsentem? Respondetur: sæpè præstare, *legatos* mitti: sæpius tamen Mediatorum præsentiam & autoritatem plus valuisse experientia constat; cessat enim hic ratio, ob quam Comineus *Principum congressus* improbat. Sic Brandeburgici *mediatio* inter Fridericum Placidum Electorem Saxoniz & Fratrem Wilhelmum à præsentem felicius peragebatur. Nec minori commoditate ipse Dux Saxoniz Mauritius reconciliatum ibat Henricum Brunsvicensem & Philippum Landgravium Hassiz. Huc refer dissidium Francisci I. Galliz Regis cum Carolo V. Imperatore, quod itidem Papa Clemens VII. *præsens* aliq. composuit. Mauritius Elect. Sax. & Elect. Brandenburg. præsentem mediatores comodum fuerunt inter Carolum V. & Johannem Fridericum Electorem, teste *Sleidano*. E veteri Historia notabile est exemplum Aminandri Athamanum R. *pacificatoris* Aetolorum & Romanorum. Adeoque semper respectus ad *objectum* haberi debet, an id præsentiam exposcat, nec ne. Ferè enim domestica mala, & interiorem sensum ad dispares, ut *legatos*, dissimulant, eoque nil admodum levantur odia. Licet vulgò audias: *Principem omnes affectus post potentie studium habere*. Id enim ut alicubi obtineat; humani tamen sensus vis nulli penitus excidit.

§. 20. *Legatus* ergo talis cum dicitur *Instrumentum* Principalis, ipse Principalis videat, 1. *quotnam* hominibus indigeat ad rem expediendam? Nimis multos ad unum eundemque, unam eandemque causam agendam mittere, minimè consultum est. Sic Tigranes Romanas decem millium copias in sese adventare videns dixisse fertur: *Eos, si legati venirent, satis multos quidem; Si verò pugnaturi, perpaucos esse*. *Plutarch.* in *vita Luculli* num. 76. Adeoque uni, duobus aut tribus res committi poterit, cum varia ex diversis capitibus nasci in-

commoda, experientia probet: ut Achaicos legatos contrarias orationes in Senatu Romano proposuisse Polybius docet. Superbiæ sanè quorundam *Unus non sufficit. Sed Spartanos Persarum regi eo fastu turgido: unus, aiebat, ad unum.* Papæ Nuncios, vel à latere legatos unus tantum mitti solitus est; Nec aliter, Turcæ, Persæ, alique Asia Principes ferè per unum. Utile interim est, plurium curâ negotium tueri simul, ut Romani tres ferè mittebant.

§. 21. 2. *Selectum* autem Mediator legatorum habeat præcipuum. Quamvis enim Sortitio magno certamine retracta in Romano Senatu sit, apud Tacit. *Histor. l. 4. c. 7. & 8.* præpollent tamen Helvidii Prisci argumenta ambitioni & formidini procerum. Ipsas porro in eligendo dotes assimilari dictis de Principali liquet. Conf. de *commun. legat. qualitativ. Maerfelaar. Tholofan. Saavedr. Kerkerm. Pol. l. 1. c. 24.* & alios communiter.

§. 22. His deficientibus plerumque nullâ prorsus auctoritate apud *Partes* pollet, præcipuè apud barbaros, qui e. c. plurima è cultu externo præsumunt; imò quod gravius, sapius rejiciunt. Nedum si *occulta Partis in talem ministrum odia sint.* Sic Papa Urbanus VIII. recusabat admittere legatum Venetorum equitem, missum ut Papam cum Duce Parmense conciliaret. Proinde ne quid in hoc peccetur, designare solet mediator & prædicere ut mature sciatur, an acceptus sit futurus. Eoque commodum est, si partes litigantes *unanimo consensu legatum expetant*; Ut Carthaginenses & Masanissa R. legum eligebant; sic Macedones nominatim Scipionem poscebant ad disceptandas controversias, quas inter se habebant, teste *Polyb. Excerpt. Legat. 141.* Cui simile est, ubi hodie privati à Principe sive iudice supremo unum vel plures expetunt in commissionem, vulgo qui appellantur *Commissarii causæ.*

§. 23. II. Ordo exigit, ut ad principium quo, sive ipsam transactionem accedamus: quæ consistit partim in *verbis*, partim *factis.*

factis. Verba sunt vel *scripto*, vel in *præsentium* congressu. Vertitur oratio potissimum ad *Partes* conciliandas, inde ad *alios* quorum *i.* favor expedire, vel renissus impedire negotium videbitur; uti antea de *Testo* obiecto *Mediationis* explicatum est.

§. 24. *Causa* autem, de qua *Mediatores* agere debent & volunt, est, per ipsum titulum, quo ostentantur, *aperta* & nota illa sc. *Composuio Dissidii*; & iterum aut *inimici* obiecta ac jamdum controversa, aut *Nova* & improvisa, ut quidem læpiusculè ista legatis mediatoribus accidisse experientia testis est: quorum æq; ac conditi propositi *Mediator* rationem habere tenetur. Puta, si *Pace sub chlypeo* tractatâ fortuna belli statum proximum inclinet, & victorem ad nova postulatâ animet; si ipsi *Mediatori* gravius quid accidat, undè negotium præsens aliquantum afficitur. Sapius tamen hisce nil minus quàm res præsens, & propter quam desiderati sunt, curæ est, cum longè alium finem sibi proposuerint & saluti litigantium salutem suam privatam prætulerint. Tales sunt, qui speculandi, corruppendi, cavendi, novas lites ferendi aliq; incommoda movendi causâ veniunt. Hâc arte insignes Romanos Polyb. *Legat. 113.* observat, ut ex *alienis dissidiis ac stultitiâ sese auferent*; dum videtur beneficium dare imprudentibus; e. c. missâ legatione ad *Ptolomæos* fratres reconciliandos, & minorem parti regni imponendum: ne sc. si *Aegyptus uni subesset*, altius quàm ipsis consultum, spiraret. Ut vero proximum sit, *pacis tractatus non minores dolos & strategemata comitari solere, atq; ipsuminet bellum.* Hoc ipso *Philippus Macedo* trahi visus, cū dissidentibus *Græcis* intervenit, *amicis esse dictitans, amicos componere*; & insidias libertati omnium molitus.

§. 25. Summa *Mediationis* ut proponatur, *Conciliatoria* & *petitoria* orationis methodo potissimum absolvitur, cui *Suasorii* loci tum communes, tum proprii, inde *afflictum* ple-

rorumq; regnum heic induci solet, ut *Gratie, Amoris, Spei, Pudoris,*

Amoris, Metus, emulationis, Commiserationis. Ac Primò Exordia morata plerunq; animum erga partes benevolum contestantur, ex locis *Amoris*, ut amicitia invicem culta, causis impulsivis, viciniâ, agnatione aliisq; motivis; ei enim cui diffido, non assentio, nec mihi favere hunc, multo minus bene facturum, persuasum habeo; sicut Aristoteles aliiq; Rhetores notant. Indeque ad *presens* argumentum descenditur, i. *malis*, sc. dissidii ingratias, & contrariâ *concordiæ* desiderium ostendendo, cû rationibus è statu *Mediatoris* petito, ne ludere in re seriâ videatur. *Ipsi* autè *Tractatione* Orator rem probe se intelligere sub initio statim demonstrat. Nam *causam* ingressus i. controversiâ *Pacis* præstantiam è locis *Epidicticis* probat, uti & oppositi *belli* mala intentat; rerum inconstantiam, nil tam firmum, cui periculum non sit etiam ab invalido. Sic fortunam lubricam, nec invitam teneri posse, eam manus & pinnas tantum habere, eas cum porrigat, has comprehendere non permittere, pacis commodis è regione opponebant Scytharum legati apud Curtium lib. 7. cap. 8. 2. *Merita Partium* contendit invicem è locis *status Juridicialis*, præsertim *assumptivis*, quod sæpè *absolutorum* odiola sit tractatio ad tales. 3. *Pacis studium* urget è *statu Negotiali*, ac *Loco Facultatis* sc. *Mediis* concordiæ, modoque applicandorum ante explorato propositis: *Inde Utilem, Comparatorum*, ut *Necessitas, Fructus, Gratiæ* Pacis agnoscantur, contrapposito sensu eventusque instituti contrario: *Honestorum*, ut *Fama, Autoritas, Conscientia* percurratur. Quod enim Hannibal Scipioni, Puniciq; legati, Antiochi M. & Syracusani, & Campani & Ætoli Romanis, Veneti Maximiliano I. precando, *idem* in Svaloris nostri generis conciliando ferè totum obtinet. *Modus* salte pro decore & auctoritate partium servatur, ne *Mediator* alterutros metu, nimio pacis studio, ac aliis, premi imprudens aperiat; unde alteri fiducia ac cupido alieni crescat. Quæ distinctè, enucleatè & exemplorum applicatione absolvi quàm dignum & proficuum

cum foret, jam tamen mihi, aliis modò distracto curis, arduum est, industriam huc justam collocare. Conf. amœbeas *Petrarchæ & Ducis Veneti lib. Epist. Variar. I. II. III. De Methodo Vossium Instit. Rhet. lib. III. c. VII. §. 5. & 7.* Quæ nunc animi sui sensa ut depromat, quàm necessaria Eloquentia Mediatori, quantum artis & operæ necessum; ut multa heic Consulendi, Monendi, Hortandi, Expostulandi opera: magna prudentia tum ut Loco conveniant, & Pacem velint: tum ut conditiones elicias, opportunè proponas, temperes difficiles, iniquas elimines, quò remittendo de extremis copulent mediis concordia: Ut partibus odio obstinatis persuadere valeas, ecquis non operosum advertit? Perinde ut accedat *sermonis* quædã nativa *avacitas, & motus* dicentis; illa enim repugnantes quoque cogunt & impellunt, siquæ fuerint etiam res odiosæ, recto lenociniorum usu & coloribus obductis prosperè contenditur.

§. 26. Tractationem hanc & in *factis* consistere, supra dictum. Facta sunt *Ordinaria*, vel *Extraordinaria*. Illa partim necessario convocandi, proponendi, deliniendi, officioque præsentii, alioque, pro re natâ, devinciendi, partim imitatione & laboribus variis constant, nunc utrosque præstandi, cum Principales tum charos & familiares, per promissa ac præsentia, bona conciliatos, quorum vel autoritas, vel gratia, vel usus necessarius, intercedere, & obstinatos ad hostilia, ac postulata duriora mollire posse videbitur. Valsquez. in *Thom. p. 3. p. 82. c. 1.* hoc *Mediatorem* facere dicit. 1. *per modum arbitri*, ad causas utriusque partis discernendas & judicandas. 2. *in modum proxenetae*, qui ex unâ ad aliam partem pacta & conventiones deferit. 3. *Deprecando unum pro alio.* 4. *Satisfaciendo alteri pro eo, qui debet.* Sed hoc ultimum in *Mediatoris* officium generatim non competit, licet, cum sit, illustrem Mediandi modum probet. Unde B. Meiner. *Thesol. Photin. c. 5. p. m. 826* distinguir Mediationem nudam, s. in communi spectatam, ab hac, quæ in sanguinis effusione pro alio fundatur.

§. 27. Quod ut eo felicius ei obtingat media subsidia partim per se partim mediantibus aliis adhibentur. Istius generis sunt terrentia, *e. e.* conjunctio mediatoris cum tertio quopiam titulo diversi negotii, municio locatorum, subditorum armatura; qui actus licet medii sint, tacitum tamen metum pariunt, ne Mediator, pace non coeunte, alterutri applicet sese. Eodem minæ, expostulationes, alique quæ in locum precum & blandimentorum cedere posse dicas. ostensâ *necessitate suapte*, vim parandi, si æqua contentio rejiciatur. Quod verò nemo, nisi fidem factis implere potens, nec is, nisi cum minor agendi ratio incasum & magna spes percellendi est, temerè protulerit.

§. 23. Ad pacationes maturandas aliquandò mediatores etiam *extraordinariis* remediis uti adsolent, nempe 1. conditiones *de suo* libera voluntate *supplendi*, ubi potentiam viresque eas implendi deficere partem alterutram, & sic pacem impediri intelligunt; & hoc vel *donationis*, *sponsionis* similive titulo. Hoc quàm raris exemplis inclauerit, eoque vix sperari soleat, dicere nil attinet. Attamen S. Scripturâ teste, præstitit Christus mundi totius Salvator, dum non solum mediatoris partes inter homines & Deum suscepit, sed etiam nos cum Deo Patre dissidentes reconciliavit, eo pacto: Ut victimam sese pro totius mundi peccatis obferret, atque ipsemet sanguine suo legem impleteret. Eoque dux illæ functiones mediatoriæ, *oblatio* satisfactionis & *intercessio* pro parte reconciliatâ non immeritò admirandum bonitatis in Ipso specimen habentur: & quàm verè exercitæ, quàm necessariò præbitæ sint, contra Socini & similium ingratitude alibi ostendi solet. Sane & Mosem, & Paulum aliosq;, ipsosmet suâ sponte vicem partis suppletore voluisse accepimus. Sed ultra *voluntatem* id neutiquam processit. Eiusdem generis medium 2. est, *impedire* clanculum partem alterutram, si nempe ea nimis injusta extorquere conetur, live
id fiat

id fiat per *vim*, sive *confilium*. Huc referenda partim militia libera nostrorum hominum, cum Mediator suos parti militare permittit, obiter curato, ne intractabili sese applicent, partim si à parte nimis injusta eosdem revocat, ut viribus subtra&is mitiora probet: ad modum Angliæ Regis, qui mediator inter Europæos Principes, suos è Gallia publico edicto redire iussit. Ita Ætoli pro lege hunc morem servarunt antiquitus, ut adversus socios ipsi suos, publicâ tantum auctoritate demptâ, juventutem suam militare sinerent; & contrariæ persæpe acies in utraque parte Ætolica auxilia haberent *Liv. lib. 33. edit Sigon. pag. 260. lit. f.* Id quod *Spolinum ex spolio capere* appellatum & exprobratum ab infenso Macedonum R. Priorem morem Germaniæ populis esse respondebatur conquerenti olim Galliæ Regi, & nihilominus mediatio obferebatur. Scilicet semper ea ratio fuit excusationis, privato nostros ausu militasse pro altero, idq; solum exercitii militaris gratiâ. Simile est mediû quando Mediator partibus, pecuniam mutuam dat solvit debitum, transitus per regiones concedit, frumenti & similium rerum utilium commercium permittit; undè convalescere seque tantisper alter tueri possit; donec fatigata pertinacia alterius in pacta consentiat. Quamvis inde facilis recusandi Mediationem occasio capitur.

CAPVT IV. FINEM ET OSTENDIT.

§. I.

Vt omnes actiones fiant propter finem necesse est; sic mediationis finis isquæ *primarius & præstantus* est *Pax*; quæ debet esse 1. *perpetua*, seu ad omnem posteritatem, regnum, Ordines porrecta expressè; non verò ad solam *personam* imperantium pro tempore. *Pacis* etiam nomen indeterminatam

E

dura-

durationem concordiae per se fert. Eoque vana erat Perse contra sedus Romanorum cum suo patre ictum exceptio. Pax enim brevis ad nil prodest aliud, quàm ut coacerventur ligna quibus bellum incendatur. Saverd. *Symb.* 98. Ad huius rei testimonium adducit inducias paucorum annorum, quas magna incommoda secum adferre dicit, iras enim illæ tantisper suspendunt & spatium dant enses acuiendi & lanceas. Hinc Warmund. ab Ehrenberg Medit. pro Fœd. *l. l. c. 3. n. 27.* negat, inducias facile dandas; cum induciæ & legationes novæ in bello semper dolis novis munitæ sint. Conf. de jure earum Grot. *l. c.* Id additum: *semper, excessivè accipi credimus.*

§. 2. 2. *Securitas* (1) Fidei data, (2) Restitutionis in statum qui ante bellum erat, mutæ præsidii continetur. Ut alia assecurandi (barbarè loqui jam liceat) subsidia speres, qualis traditio locorum munitorum ad tempus, quod Hūgonotæ Gallici cum suo Rege pacti poscere soliti sunt, missio exercitus & apparatus reliqui dissipatio, federa pristina soluta, interdictum cum aliis bellum, legationū jus alieno arbitrio reservatum, (quibus Pœnos Romani & Antiochum M. & Macedonia & Illyrici RR. gravarunt) reservatumq; alteri jus armorum, eosdem amicos & hostes habendi, ex formulâ militem præbendi, seipsum alterius, non suis, armis tutandi necessitas imposita (ut olim Ætolos, Latinos autem perpetuò servili societate iidem premebant) *Mediatoris* ipsius stipulata in non servantem impressio, (quod triplici federe paucos ante annos, sed nimis facile rupto, tantum est) vulnera hæc magis sunt quibus altera pars concidit, verbo Annibalis de suorum cum Rom. pace, quam pacis latæ exempla. Eoque metuendum Privernatium ingenium in hac re *si bonam (pacem) dederis; fidam habebis & perpetuam. Sin malam, non diuturnam.* Liv.

§. 3. 3. *Firmitas* nil admodum abit à dicto. Sed firmissimum est pacis pignus; amor mutuus; quem, inter

inter plura instrumenta, Connubia glutine tenacissimo, & religionis, & morum similitudo, & commercia, & permixta ditionum partitio, ut alter sine suapte pernicie alterum lædere vix possit (quod in divisione Provinc. Saxon. aliqu. curatum fuit) insinuant. Alia nisi Deus, nemo præstat.

§. 4. 4. Honestas constituterit, si in eam, quæ ante bellum eramus, fortunam redierimus. Et si hæc obtineantur, nullum prudentius est consilium quam eandem amplecti. Quod tamen ut Princeps adeò observet, ne pacis causæ periculi quidpiam relinqui, aut nil maligni toleret, quis avertat? Indigna, honoris tantum pollicii adversa sunt? Ergò inter necinum bellum præstiterit? Salus populi lex pacis summa. Nec desunt remedia, ut pacem cum vicino, si viribus ille superior sit, tutam reputet: nec inter infirmiore & potentior eam esse penitus neget Sædreda, d. l. Nec enim è præscripto otiosorum hominum, sed pro rerum præsentium indole agendum est. Vid. Warmund. d. l. l. c. 2. n. 97.

§. 5. Cæterum isto animo, sc. pacem, eamque tolerabili conditione reparandi, non ita Mediatorum quidam ducuntur. Est qui tentet, ut infernalis leo, qui obambulat & quærit quem devoret; pacem manu orat, præfigit puppibus arma. Nam saltim ab talibus solent pacis condiciones simulante eo sine introduci, ut interim actiones & consilia hostis explorentur, ut tempus suppetat ad erigenda propugnacula, ex ingenio Miltiadis apud Nepot. ad obtinendas suppetias militares & fœdera sancienda, ut hostiles vires consumantur, uniti invicem separentur & spe pacis vigilantia aliorum langvescat atque industria. Interdum etiam pax omnino concluditur ut novæ postea reparentur vires, & impediatur consilia, cui Sædreda d. l. addit exempla: Pax, ait, Ratisbonensis aliud finem non habuit, quam exarmandi Cæsarem. sic Franci pacem Monsonensem pacti esse dicuntur ut impeterent armis Germaniam. Mihi insigne videtur illud

Marcii, Legati Romani, & quâ fraude in Perseo spe pacis impediendo à progressu armorum paratorum usus sit, non probata Senatoribus prisci moris, ap. Liv.

§. 6. *Secundarius autem finis est aliqualis saltem conciliatio*, ut si prorsus & plenè uniri nequeant, neve conventus re infectâ dissolvatur, *induciae ad certum tempus, à Mediatore proponantur*. Quæ si acceptantur, videat Mediator, ne dolus ab altera parte subsit, cujus generis sunt antea enarrata fraudes. Quo facit quæstio, de *Termino Armistitii*, ut vocatur: an productior urgeri debeat? Videtur, si omninò *Pax Mediatori* obversatur, nec obtinetur, id quod Paci proximum est, longissimas belli ferias esse captandas. Ita Romani 30. aliis 40. aliis centum armorum inducias, loco Pacis petita, dederunt. De recepto hætenus inter Turcas & Hungaros Octennialium induciarum more, quàm is probus sit, pendet iudicium à scopo & statu regni illius; an quæ propinqua spes sit reparandi amissa. Principium autem octennii illius dedit inclytus ille, & in exemplum legato cuivis maximum ad potentiores natus, Auger. Gislén. Busbequius; qui toto octennio octennium hoc impetrasse scribit *Epist. ult.*

§. 7. Sunt omninò & alii fines, quos Mediatores, vel eorum Legati sibi proposuerunt, e.g. de quibus *Gentil. l. 2. cap. 4.* sunt quidam legati, qui speculandi causa mittuntur; atque id ut faciant cuius, nomine illo sanctissimo munitur; tales fuerunt Volscorum legati quos agnitos & convictos speculatores Posthumius dictator Romanus servavit. Vid. Livium. Mitti quoque solet Mediatio eum in finem ut morentur, frustrentur, eludant eum, cui bono missi videntur. Ut plurimum præterea propria commoda solent respicere, sub prætextu tamen omnigenæ benevolentiae ac amoris, & quo magis sincerum sese cor exhibet, eo plus doli in recessu habet abditum. Sic sæpe numero sub specie tranquillitatis publicæ assunt, & eam perturbant; pro partium

liber.

libertate, ut eos opprimant; pro eorundem tutela & defensione, ut hosti prodant; pro alieno statu conservando, ut eum destruant, propriumque alieni corruptione augeant. Ad hæc eo melius exequenda suggerunt consilia, media, quæ speciem bonitatis habent, eventus tamen pessima demonstrat; commodum Partis præ se ferunt, proprii tamen unice meminerunt; sollicitos pro aliena salute sese simulant, longè tamen alia intendunt. In ipsis deniq; effectibus falsam obtentu illorum speciem tempus prodit, quia aut non præstat, quod promissum fuerat, aut eo non agitur loco, modo, tempore, quo putabatur. Nec etiam commodior occasio ultionis haberi potest, quàm *Mediatio*, cum nempe sibi ægrè factum Mediator ab aliquâ parte aliquando meminit, omnia in ejus detrimentum agere non veretur, tam commodâ tamen id specie prætexens, ut nec facile malum præsens ulli suboleat, nec deprehensum amoliri commodè possis.

CAPVT V. EFFECTVS PRODVCT.

§. 1.

Viso nunc quo *mediatio* tendat, siue tendere debeat: quo usq; pertingat & quis ejus effectus, prospicere juverit. Is jam (1) *propius* & *per se* in tantum cum fine professio convenit, ut primus totius negotiationis illex, & in quo impetrato acquiescit animus, ceu in portu navis diu studiis jam stata. Nam *Mediatio* Phari instar est quo lugubri dissidio afflicti sese vertunt, hujus saculis in sinum quietis perducendi. Et vero ille est ipsa Pax. Hæc tamen ut constat cum per se sit obtentu, eam explorare expedit, idq; ubi de *Oppos. Mediationis* agetur, aliquantum ostendetur.

§. 2. Proinde nullam occasionem partes pacem obviam capessendi prætermittent, & cum, secundum Poëtæ effectum:

*Pax optima rerum
Quas homini novisse datum est, pax una triumphis
Innumerus potior sit,*

quam celerrimè cuius rationi sese accommodent & , sva-
fu SAVEDRÆ reputent, nullum prudentius consilium esse, quam pa-
cem amplecti, quæ tolerabilis est.

§. 3. Cæterum, ut voto Pacis non ita integro Mediator
potiatur, nihilominus animū intendet, ut δέντις & πλῆς quod
dicitur proventu meliorum aliquo prosperet. Ac (1) si
plena pax obtineri nequit, bellum tamen ut geratur humanius, idè in-
ducias paulo longiores dari ac ita sensum mitiorem paulatim animis
inferi curet. Quod subodorabatur ROME Hispanicorum Aux-
liarium in Galliâ dux, cum de Induciis inter Ligistas & Re-
gios ageretur. Castreo enim eas probante, ut hoc rerum
statu populis fatigatis & agrè in bellum nisi desperata pa-
ce consentientibus, exhaustis urbibus, nondum paratis ex-
ternis copiis, utiles & necessarias: nam per eas colligi ani-
mos, populos ex continuâ bellorum molestiâ recreari pos-
se, & si regii in proposito pertinaciter maneat, rursus ad
bellum alacriores redituros: Urbes interim commeatum
quo maximè egent recepturos & adventurum auxiliarem
exercitum. Ille contra: Induciis factis animos ad quietem
inclinaturos, nec belli labores ulterius spontè subituros. Id
enim quærebat homo externus & fallax, ut Galli interneci-
nis odiis conciderent. Vid. alios ejus obtentus ap. Thuan.
Histor. lib. CVI. ad A. C. 1593. p. m. 541.

§. 4. (2) Simul conjunctio diversa tentari iniriq; so-
lita; alienatis partis iniquæ Sociis, & , quod cautos Concilia-
tores callere scitum est, spe metuq; novo impletis, ut frigescant
ad pristina consilia ac ipsam societatem horreant. (3) Ma-
lum gravius ea operâ non rarò prævertitur. Intentis enim
animis in eventum, nec in casum dat quis facile sua; & cum
liber à turbis est, tantisper sustinet impetum. (4) mala vicif-
sim

sim pullulare maxima & hinc posse, dies docet. Nam & vetera firmari & nova trahi sentias, sicubi *Mediator* minus providerit; aut pravo ingenio speciem suæ atrocitati amicam obduxerit. Cujus exempla ad finem properanti adscribere non integrum est.

CAPVT VI. ADJUNCTA TANGIT.

§. I.

Adjuncta *Locum & Tempus* dico. *Locus* ubi mediatio fieri debet, est vel *Partium* vel *Tertii*; ejusq; vel planè *Neutrius*, vel ipsius *Mediatoris*. Ac (1) Ecqvis horum debeat esse, *potentioris an infirmioris*, quæritur? Resp. (1) non repugnare, Mediationem fieri in loco *partis*. Id quod tamen plerumq; negotii multum præbet in *Preliminaribus*, ut vocant, donec de securitate, dignitate &c. expediaris. Nec enim nulla est ejus commoditas, in ejus ditione agitur. Quod vel illa de *Conciliis* loco quæstio ante hoc seculum arguerit; causamq; repugnandi non ultimam peperit: certè id propter tardius multo ad rem deventum est. Cum enim *Partes* dignitate, sapè & belli fortuna admodum discrepent, *Potentior* dedignabitur adversario eatenus concedere. *Infirmior* metuet à vi & contumeliâ in suos, cujus documenta non pauca supersunt. Loci quidem isto selectu sibi & aliorum *Conventuum* partes sollicitè providisse constat: ac factum ut, nisi assentiretur postulatis, inclusi moribus tedium suum ac periculum gravibus conditionibus acceptis redimerent. Senserunt id non raro Legati ad *Turcas Byzantium* missi, intra ædes velut carcere coerciti. Vid. *Busbeq. Epist.* Et in *diæis provincialibus* quarundam regionum recessum esse à loco statuto, quo accedere & unde recedere libere possint *Ordines*, quærela auditæ. Quod vel una *Hungaria* abunde explicuerit. Unde consultum est, etiam *plura* loca æquè opportuna, dominorum di-

verso-

verforum, electioni proponere; & potentiori decorum, cum alioquin, id dignitati potentioris sæpè sit tribuendum.

§. 2. (2) Non repugnare quo minus agatur in loco *infermioris*, cum violentia & coactio in conditionibus non ita sint metuendæ, & libertatis species pacis robur addat.

§. 3. (3) *Communis* partium dominio locus paulò optabilior; præsertim confinia utriusque. Sic in confiniis Svedi & Poloni, item utriq; cum Moscis, aliquando, Hispani cum Gallis, sæpius & in caltris pacem tractarunt. Quo (4) refer *opposita castra* e. g. in Africa inter Scipionem & Syphacem, in Thessalia inter Macedoniæ Regem & Romanos sociosq; in Gallia inter Carolum V. & Franciscum I. in Silesia inter Matthiam Corvinum & Casimirum Polonum. Nam solum hostili pede pressum hostium esse videtur. Eoq; indignatus adeo Hannibal, agrum, in quo propè urbem castra metatus erat, *eodem tempore nil diminuto pretio venisse*. Ac ut vicem redderet, argentarias tabernas in foro Romano per præconem venum exponebat. *Liv.* Sed vereor ut emptorem invenerint.

§. 4. (5) *Locus Neutrius*, præsertim *Mediatoris*, merito præoptabitur, cessantibus tùm dubiis plerisq; de *conductu salvo*, accessu per agrum vicinum, ac talibus. Verum id tamen, cæteris commodis non defectis, processerit. Locus enim qvisq; etiam sit, commodus esse debet situ ad facilem commeatum pro singulisq; vorum interest, salubritate, amœnitate & aliis naturæ donis, dignus quoq; tantorum hospitum conventu, abundans præterea hospitiiis, commeatu, apparatu, ad corporum necessitates & gratiam tam principalium, quam servorum. Utut enim vel pagos *conventibus Imperialibus* aliquando placuisse probetur; nec, pro anni temporibus, morâ negotii, & liberâ voluntate partium, vel hodiernum repugnet: de eo tamen quæritur, quemnam *Mediator* potissimum proponere arbitrio Partium debeat, ut æqui boniq; consulatur? Quod ipsum rectius processerit si plurimum

rium æquè commodorum: sive optio sive fors militet. Sin
nil proficias, præstiterit *diversis*; sed *vicini* Partes locis con-
sistere, ut invicem commeari *Mediator* facilius possit.

§. 5. Undè, *unus* an verò *plures* requirantur? colliges.
Prout abhorrent à sese & præsentia noxia fore videtur, nos
asserimus, pro *numero* partium vel unum vel plures esse pos-
se. Sic bellum tricennale Germanicum finiebatur *diversis* in
locis, Monasterii nempe & Osnabrugæ Westphaliæ; quod
enim Religionis diversitas intercederet, Catholici in urbe
Protestantibus addicti ad pleni & publici exercitii faculta-
tem, alibi persisterunt. Minimè autem commodum esse
ducitur si à loco in *aliu*m causæ *transferuntur*. Sanè *fixum* esse
malimus, quod ipsa translatio moras & vices animorum par-
turire noxias qveat. Exempla enim infausæ translationis non
desunt. *Omen* tamen inde certum, uti loci ullius *infelicitatem*,
præsumere, quod de nonnullis Germaniæ jactari solitum est,
hic non appellandis, meum non est. Divini enim judicii
est, nil boni geri in loco, quem odium Cœli premit.

§. 6. II. Tempus harum mediationum varium est,
vel enim *ante* coeptum bellum, vel *inter* arma satis ambigua,
vel *jam & inæqualia*, vel *post* extremam *cladem* de reconcilian-
dis partibus cogitari solet. *Primum* longè optimum, ut *Prin-*
cipius obstes. *Pudor* magno conatu nihil agendi, & minas feroci-
ter editas, irritas; *Dolor*, impensas frustra factas; *Fiducia*, vi-
res florentes intuiti; *Amor novarum rerum & noxæ in exosum*,
dum tument animi, ægrè vincuntur: Nec ut penset quis
sumtus & concedat de suo, prompto jam apparatu, *spe pari*, ad-
ducitur.

§. 7. *Proximum* & vulgò laudatur, *sub clypeo* pacifican-
dum; quod emblemata vetus, elegantia interpretis renovat
Savedr. Sanè oportunè: Mars enim adhuc dum dubius,
integra utrinq; fama, & copiæ ad latiores usus commodæ,
Mediant non exiguos successus pollicentur. Ita Scipio Afri-

canus Antiochum M. monebat, *nullam pacem abnuere*. Et Philippus Maced. R. cum *cedendum Thessalonicâ* diceret Dux hostium, indignabundus : *quid gravius victo imperares !* exclamabat, abrupto mox colloquio. Sed brevi versâ fortunâ frustra repetiit colloquium, totis provinciis cedere coactus post prælium. Cujus exempli neglectu Perseus filius regno penitus excidit. Est verò, & *Partium ingenium* non rarò pronius vel (1) in *voluptates*, ac alieno magis instinctu quàm proprio studio ad bellum tractum. Eò non inviti oblatam concordie rationem probant. Talem Henricum III. Valesium Gallie R. bellis intestinis *Thuanus* ; & *Cominæus* Edvardum III. Angliæ R. bello in Ludovicum XI. id probè perspeculatum, ac Londinenses comites, describit. Vel (2) in *pristinum amorem*, uti rebelles milites à Valerio Corvino & Quintio ad Lautulas conciliarium Romanis copiis *Livius* memorat.

§. 8. *Tertium* rapit, non vocat, Pacificatorem. Sic Aetoli, re inclinâtâ, Quintium, Athenienses, & quos non ? Ipse J. Cæsar & Pompejum & Socerum ejus per Internuncios crebro interpellabat, desungi hoc periculo honestè cupiens. Moscus Io. Basilides infelici bello cum Polonis cupidissimè exosum alioquin Romanum Papam prensabat, ut interponeret sese. Nam Plescoviæ expugnatio metuebatur, & inde mala pristinis longè graviora.

§. 9. 3. *Quartum* terius est ; Ut Rhodiî eo peccarint, antea indicavimus. Officia enim è *statu* æstimantur, quo non integro qui nos sollicitat ad moderata, invidere creditur fortunæ. Eò indignabatur Gallie Rex Hispanos, post rem à se constitutam, intervenire Venetorum & Papæ Pauli controversiis velle. Tam ille vanus animi, quàm fallus judicii, utpote ignarus, Papam in occulto ea pacta dudum Hispanis communicasse, & iis approbantibus iniisse. Larva Mediatoris Gallo relicta est.

§. 10. Id demum non dememinerim, *Mediatorem*, ut medicum, *captare momenta* concordie ; semel repulsum partium

mutuâ obstinatione, repetere preces, monita acuerè, & prout fortuna volubilis bello aliove (nam & *privatorum* causâ huc pertinent) dissidio errat, flectere. Ea omnino patientia opus est, nil fatigari morâ, nil repulsâ; d. *veram* amici fidem sollicitudine perpetuâ approbare. Cujus non spernendum documentum Athenienses pro Aetolis ap. Romanos & *proximo* Seculo illi inter Noribergenses & Albertum Intercessores edebant.

CAPVT VII. OPPOSITA SPECULATUR.

§. I.

Deniq; & *Opposita* videnda, nam ut finis executione ultimum est, ita ab extremo hostilitatis ad hoc amicitia transiendum per media. Remoras heic plurimas occurrere nemo ignorat. Id verò & aliquando *utiliter* fieri, & *licite* dixeris. Ut igitur, nisi positis *omnibus* ad *agendum* requisitis *eodem* modo se habentibus, potentia in actum non transit; perinde, cur Pacem aliquando non impetremus, variis principiis debetur: quæ jam tria sunt I. *Defectus* Mediationis, tanquàm privativum. II. *Recusatio*, Contradictorii vim habens. III. *Impedimentum*, negotio jam suscepto, ut Contrarium.

§. 2. I. Deficere non raro Conciliatores, humanæ vitæ mala testantur, plerisque controversiis *omnes* & nullo mitorum autore agitis. Unde vel *ipsi* mutuis cladibus fessi inter se conveniunt; vel *alter* hostilis cruoris odore exatiatur cum Vitellio; vero tum leonis mortui & cuius viliorum injuriæ obnoxii Symbolo ap. Saverd. *Symb. 29.* Hoc Asia bella, hoc Romana & Turco-Christiana variè probant. Privatorum contentiones nil parcius recensent. Id verò & potissimum vitio *terti* sit, quia suâ parùm interesse existimat, quæ fortuna certantes absumat; vel gaudet, istos mutuis odiis atteri, se incolumi; vel timet, ne sui officii malam gratiam referat. Sanè

inter fores & cardinem medium comprimi, verbum vulgi est. Eoq; nec omnis neglectus talis studii improbabilis videatur. Divinæ justitiæ specimen hoc erat, nec ipsam partem, nec intercessorem de pace agere, cum Josua *Terram sanctam* occuparet, ut ipse *cap. 11. v. 19.* indicat, ut scias, per ipsum hoc non stetisse, quò minus servarentur.

§. 3. Planè enim æstimari debet (1) *ex natura* ipsius *controversie*, utrum nempe præstet, bellum summâ vi ab utraq; parte geri, an pacem iniri? puta an bellum, an pax magis profuit vel litigantibus vel tertio, *e. c.* ad Dei gratiam, ad decus verum, & cujus contrarium, bello posito, sequens conscientia *recta ac saluti publica* per se repugnet? (2) è *qualitate pacificatoris* hæc quæstio decerni debet, nempe si *Mediator* in alteram partem magis inclinet, sitq; ineptus, injustus, partibus quoq; minime gratus; tunc conducere videatur ut mediationes ad minimum differantur, & impedimenta speciosa reperiantur, quibus propositæ quæstiones irritæ fiant.

§. 4. II. *Contradictoriè* mediationi opponitur *recusatio* pacificationis, sive illa sit, quando *palam* omnem mediationem rejicimus, sive *generis certi*, ut si (1) *personas*, vel *principalem præsentem* vel *legatos*, eosq; jam *missos*, reculas admittere. Nec vero nulla ratio est, cur aliquando nolis, utut pacis cupiens tecum aut cum tuis hominibus *præsentem* agere Mediatorem, aut *selectum* gratioris missi postules. Item (2) quando *locum* mutatum volet, per indicata ante motiva. (3) *Tempus* actionibus his indictum abhorret (4) *Modumq;* agendi alium postulat, & (5) conditiones ab aliis de quibus suboluit, alias proponi, & omitti propositas. Id quidem *licere* partibus nonnunquam & *necessarium* esse dicimus. Uti verò *contradicere* videtur, qui & *implicite* negat, quæ alter statuit; Sic *Recusatio* vera est cum verbis facilem, facto aversum te ostendis, affectatis *moris* & conditionibus *præparatoriis*, quibus stantibus ad rem venire nunquam licet. Ut Rarius Papæ legatus miris artibus dilatus.

dilatus per Hispanos ne ad Regem, nisi serò admitteretur, in causa Portugalliæ impediabatur. Thuan. *lib. 70.* item intercessores pro Landgravio Hassiæ capto variè dilati & elusi promissis, apud Sleidanum.

§. 5. Qvod attinet contraria in specie sic dicta sive *Impedimenta*, horum *Originem*, & *Scopum* considerare iuverit. Qvod attinet eorum *originem*, ea est I. ex *objecto Med.* & *partim* 1. *Materiali*, nempè, cum conditiones satis tolerabiles proponuntur, easdem verò Partes rejiciunt, nimio opere injusta cupiunt, fallæ opinioni summi juris, spei avaræ, odio concepto firmiter inhærent, &, velut Timotheo illi Attico, *ap. Nepot. fortunam sibi famulari credunt.* Qvales serò sapientes J. Cæsar graviter notabat; ut rebus adversis avidissimè capiant quæ oblata pridem superbè fastidierunt. Ruunt etiam alicubi obstinatis ad suam perniciem animis, uti *Triduum ad moriendum* Abydenis datum, Samei Cephalonix nulla causâ in rabiem versi, &, quæ omnia exempla anteit, Hierosolyma ultimo excidio pervicaciam suam implens, docent.

§. 6. 2. Ex indole *objecti formalis* id provenit; ut negotio perplexo, vario, & cum unde, cui suum reddatur, nuspiam rationes comparent; Eoque vel satis proni in concordiam animi non suo vitio distinentur. Hoc imprimis *pacis Germaniæ Tractatio* olim ostendit, rebus tam intricatis, & eorum quorum interfuit, rationibus subinde refragantibus. Undè maturè providendum est tertio, an suis viribus æquam materiam subeat, ne, quod in Sabaudix Duce, concordiam cum Gallis *αὐτοπραγματούτως* Parisiis mox initum iri præfidente, Mediator imprudentiæ exemplum appareat. Ejusmodi enim hominibus accidit, quod Polyb. *lib. 16. Excerpt. Hist. n. 19.* iis qui, cum è longinquo res intuentur, etiam ea, quæ fieri nequeunt, concupiscunt; accidere dicit. Illi ubi ad rem propius ventum, temere rursus inceptis absistunt, difficultatibus atque impedimentis, quæ occurrunt, oculis ipsorum caliginem offundentibus &

in varios errores ipsos inducentibus; Ipsa enim rerum natura inhibet successum, ut desistere cogantur incepto. Id quod cautè speculatus Papa Clemens VIII. Arbitrium à Gallia Rege Henrico IV. & Sabaudia Ducè de Marchionatu Saluziarum sibi delatum maturè deposuit, ne eventus irriti dedecus & molestia sui unius esset. Thuanus.

§. 7. II. Principio seu Mediatori ipsi eadem non minus deberi solet. Ut i. imprudentia à cognitione status rerum presentis, in sui conciliatione pravia, in ordine negotii recto, in conditionibus eliciendis, in obstaculis, quæ subinde prominent, removendis. Quorum primo impegisse Papam & otiosos ejus ministros in remorando Hispania R. à Lusitania occupatione, enucleatè ostendit Thuan. d. l. 2. affectui inconstituto, ut amoris odioque; sive in materiale objectum (1) scil. partes, quas vel inæqualiter, vel pari odio respicit, ut simul pereant; sive in formale, nempe in causam, unde sibi voluptatem fructumq; destinat: eoq; vera media modumq; agendi sponte deserit corrumpitque; sive (2) Actione remissiore, per incuriam & ignaviam, ubi aut complacentiâ solâ ire sinit, quo poterunt, negotia; aut vehementiori, per impatientiam potiundi optato eventu, impetu connititur. Quo loco gravis quæstio est: an non repugnet Mediationis naturæ, si unus pluresve denuncient Partibus, quibus legibus inter eas videatur pax ineunda? ac sive pari contumaciâ, sive alter, abnuerint, in recusantem arma pro pacificâ parte latum iri? Repugnare, dices. Cui nil admodum moræ injicit pro affirmativâ (1) hoc modo quem sese arbitrum invito alteri non obtrudere, aut ipsius litem pro imperio decidendam sumere, nec partibus ejusmodi placitum offerri eo modo, quasi illo standum sit. (2) animum æquitatis & pacis cupidum sic declarari, quod optet Mediator alios honestis conditionibus transigere, nec in bellum prius devenire velit, quàm amica compositio ab altero sit repudiata. (3) facilius per hunc modum bella posse

posse extingvi, aliàs grassatura ad internecionem. Si enim *Mediatio* est actio tertii intervenientis honorabili solùm titulo *Concordiæ*, an cum illâ vis istiusmodi consistet: aut amici communis fuerit, recusantem pro hoste habere, nullâ in Mediatorem apparente offensâ? Certè cum soli Deo aliive superiori; si quem habent, reddatur ratio actionum suarum à talibus? Romani à Campanis sollicitati ut se defenderent contra Samnites, neutiquam assensère, donec *deditio* fieret, & reverà suum jam tueri possent: rejectâ etiam Sidi-cinorum deditioe, ut serâ. Siqve supponimus; *per jus, nature posse defendi eum, qui videtur injuriam pati*; id verò si fiat, mutat naturam Mediatoris in aliud genus agentis. Qvòd ipsum dices, cum proprii periculi respectus ad arma socia perpulerit. Eo & novissimi temporis conjunctiones pro asserendâ Parte, pacis cupidior, pro Mediatoris agnoscere perquam grave est. Qvicquid horum fit, ostentui, non exemplo tribuendum. (2) Num si vis Partis in Mediatorem ex aliâ causâ tetenderit; aut si (3) Mediator Partem vel unam vel utramque ex alio capite invaserit; aut (4) Si Lites civiliter agitate inter Mediatorem & Partem sive indecise, sive noviter ortæ sint, Mediatio rectè procedere intelligatur? Resp. ad 2. 3. Negando, non ex unâ sanè quæstionis quam antea conciliandam sibi sumsit, sed subjectorum, inter quæ mutuus de rebus tractandis sensus perit, indole. Ad 4. Resp. Affirmamus. Licet facilis ad alienandos animos & operam in irritum redigendam via sit.

§. 3. III. Tertiò, qualem dicunt (1) *Fatum* sive Dei voluntatem, qvòd nec inspiret salubria agendi tum consilia, tum studia, imò immittat turbas, & odia inplacabilia. Verum malorum hominum quidem studia, ad divini Nominis dedecus, ad perniciem publicam coitura rectè & turbatum iri & confundi divinitus solere censeas. Cæteroqvín nusquam numen abest, si sit prudentia, & obsequens sanæ rationi & Deo pacis auctori animus.

animus. (2) *Genios malos*, vere; ut mendacio & homicidio primus nobiles. Cujus exempla & profana & sacra historia suggeret, *cavendi* etiam curam S. Scriptura non rarò instillat. Sed hos per *representationem objecti* odiosi, vel sui gratià *aliorum* abstrahentis, movere potissimum dicemus. In *filiis* quos S. Scriptura vocat, *incredulitatis* sive impiis etiam phantasmatum errore meliorem intellectum impedire aliquandò non abhorret. Quamvis, in tam incerto Spirituum istorum motu, pronunciare difficillimum sit; ac illa oraculorum, jam *novæ* sive pacem, jam dubio sensu motum suggerentium, indoles nobis non nisi à posteriori, & per principia cum rationis tum revelationis divinæ, quoadentenus innotescit. (3) *Alios homines*, qui vel pravitate animi, vel imprudentia vel suâ necessitate sufflamant processum negotii, sc. objectis Mediatori diversis laboribus, ne vacare possit instituto, dum sibi, vel quod aliàs urgentius putat, ei prospiciat; Sic Ejus Partiumve ministris eo destinatis, vel loco vel alio incommodo intricatis, ne res omninò, certè pro tempore exitum non habeat. (4) *Naturales Causas*, ut sunt Morbi, Mors, Tempestas ac Talia; De quibus distinctè dissertare, propriam opinionem interponere, exempla contrahere, & monitis opportunis componere: Nec minùs, *De secundâ Parte Argumenti*, initio propositâ, vel hiscere modò vetor; cum ista in propectu stans libare ægrè potuerim. Eoque proficiscenti & forte Musonii Rufi *de Bonis Concordiæ* inter armatos differentis fortunam ap. Tacit. *Histor. lib. 3. c. 81.* experturo, ut *Tuba Pacis* autor egregius præcavet sibi, tantisper venia dabitur, dum *sperata quies nostris se infuderit ausis.*